

# **ACUERDO PLENO**

**18- 12 - 2014**

**ZIURTAGIRIA**

---

**AMAIA GORROTXATEGI ZUBIZARRETA ANDREA, ARRASATEKO UDAL AGURGARRIKO IDAZKARIA**

NEUK ZIURTATUA:

Udal Plenoak, 2014ko abenduaren 18an egindako bilkuran, besteak beste, honako akordioa hartu zuen:

**“2015. URTEALDIKO AURREKONTUAK ONARTZEKO PROPOSATZEA. (2014DPRE0001)**

Udal Plenoak, Udal Korporazioara osatzen duten 21 zinegotzietatik bilkuran 20 bertaratu direnak, BILDU (11) eta ARALAR (1) udal taldeetako zinegotzien aldeko botoekin eta EAJ-PNV (4) eta PSE-EE (3) udal taldeko zinegotzien aurkako botoekin, Ogasun Batzordearen ondoko diktamena onetsi eta akordio mailara jasotzen du:

Alkateak 2015eko aurrekontuen proiektua aurkeztu du, aztertu eta eztabaidatzeko. Agiri horrek oinarria du udal sailetakoek egindako eskaeretan, eta Ogasun Batzordera bidali dute, izapidetzeko.

**2015eko ekitaldiko aurrekontu orokorren proiektuak**, udalbatzarrak onartu dezan jarri dena, **HOGETA HAMALAU MILIOI BEDERATZIEHUN ETA BERROGEITA BOST MILA ETA SEI EHUN ETA HIRU EURO ETA HIRUROGEITA HAMAZORTZI ZENTIMO (34.945.603,78€)** egiten du, eta aurrekontu horretan sartuta daude Udalaren beraren aurrekontua, **HOGETA HAMAIIKA MILIOI ETA BOSTEHUN ETA HOGETA BOST MILA ETA BERREHUN ETA HIRUROGEITA HAMAZORTZI EURO ETA LAUROGEI ZENTIMOekin (31.525.278,80€)** eta Iturbide Egoitza erakunde autonomoaren aurrekontua (AUKEA erakunde autonomoa 2014ko abenduaren 31ko datarekin desegingo da, eta udal egituran integratu), **HIRU MILIOI ETA BOSTEHUN ETA HOGETA HAMAZAZPI MILA ETA BERROGEITA LAU EURO ETA HIRUROGEITA HAMAIIKA ZENTIMOekin (3.537.044,71€)**

Alkatetza udal gobernuan sartuta ez dauden udal talde politikoeekin aurrekontuari buruz izandako negoziazio prozesuan EAJ-PNV eta PSE-EE taldeen ordezkariak adierazi dute bere kontrako iritzia, jarrera hori zenbait kontusail eta ekimenekin ados ez daudelako. Hori dela eta, Ogasun Batzordean proiektuari osoko emendakina aurkezten diote.

Osoko emendakina bozkatuta, ez da onartu Batzordearen Lehendakariaren kalitatezko botoarekin, bi bider boto berdinketa eman delako, EAJ-PNV eta PSE-EE udal taldeko ordezkariak alde eta BILDU eta ARALAR udal taldeko ordezkariak kontra bozkatu baitute.

Osoko emendakina onartu ez denez, aurrekontu proiektua bozkatu da, aurrekontuko kontusailak eta exekuzio arauak barne. Proiektuari dagokionez, Ogasun Batzordeak, Batzordearen Lehendakariaren kalitatezko botoarekin, bozketan bi berdinketa izan eta gero, BILDU eta ARALAR udal taldeko ordezkarien aldeko botuekin eta EAJ-PNV eta PSE-EE udal taldeko ordezkarien kontrako botoekin, proiektuari aldeko txostena aurkezten dio Udalbatzarrari eta proposatzen dio akordio hau hartzea:

1.- Hasiera batean onartzea 2015eko ekitaldiko aurrekontu orokorra. Barne hartzen ditu Udalaren beraren aurrekontua eta ITURBIDE EGOITZA erakunde autonomoaren aurrekontua, aurrekontu bakoitza betetzeko arauekin batera, eta Udalaren beraren aurrekontuaren konpromiso kredituen eranskina ere bai.

2.- Espedientea jende aurrean erakustea, interesdunek aztertu eta bidezkoztat jotako erreklamazioak aurkeztu ahal izan ditzaten, 15 egun balioduneko epean jende aurrean erakusteko iragarkia argitaratzen dutenetik Gipuzkoako Aldizkari Ofizialean.

3.- Espedientea behin betiko onartzea, jende aurrean erakusteko aldi horretan aurrekontuaren aurkako erreklamaziorik jaso ezean.

Eta honela jasota gera dadin eta ondorio egokiak sor ditzan, ziuhtagiri hau luzatu eta sinatzen dut, Alkateak agindu eta ontzat emanik, Arrasaten, 2014ko abenduaren 19a.

O.E.  
Alkatea